



**RESOLUCIÓN DE ALCALDÍA: CONCURSO ESCAPARATES DE NADAL 2023**  
**EXPEDIENTE: 2023/G003/001224**

**ANTECEDENTES:**

O 22.11.2023 firmouse a providencia de alcaldía na que se informaba da intención de ofertar como en anos anteriores o concurso de escaparates de Nadal 2023, en relación ao seguinte:

O obxecto do concurso de escaparates de Nadal 2023 do Concello de Coristanco é a promoción e o apoio ao comercio local, premiando o esforzo e a súa implicación na mellora da imaxe comercial dos establecementos do municipio, coa dotación de premios aos mellores escaparates de nadal.

Na mesma data a Intervención informou da existencia de crédito suficiente para realizar o concurso de escaparates de nadal 2023.

Tendo en conta o anterior, de conformidade coas atribucións que me confire o art. 21 da Lei 7/1985, do 2 de abril, reguladora das Bases do Réxime local, **RESOLVO:**

**PRIMEIRO.** Aprobar as seguintes Bases do Concurso de Escaparates de Nadal 2023:

**BASES REGULADORAS DO CONCURSO DE ESCAPARATES DE NADAL 2023**

**Primeiro.- OBXECTIVOS**

Esta iniciativa ten como obxecto a promoción e o apoio ao comercio local, premiando o esforzo e a súa implicación na mellora da imaxe comercial dos establecementos do municipio, coa dotación de premios aos mellores escaparates de nadal.

**Segunda.- REQUISITOS DOS PARTICIPANTES**

Poderán participar no concurso de escaparates os titulares dun establecemento comercial no termo municipal de Coristanco, sexan persoas físicas, xurídicas, comunidades de bens ou calquera outro tipo de unidade económica ou patrimonio sen personalidade xurídica, legalmente constituídas que, en todo caso, cumpran os seguintes requisitos:

1. Que dispoñan dun escaparate para a exposición dos produtos que comercializan.
2. Que desenvolvan a súa actividade comercial no Concello de Coristanco e que cumpran os requisitos establecidos legalmente para exercer a súa actividade.
3. Que estean dadas de alta nalgunha das epígrafes do IAE que se relacionan no anexo III e que estes constitúan a actividade principal do solicitante.

En caso de carecer de personalidade xurídica, deberán nomear un representante con poderes suficientes para cumprir coas obrigas derivadas da participación.

Os escaparates deberán estar preparados ás 19h do día 18 de decembro de 2023, momento a partir do cal poderá realizarse a visita por parte do xurado.

Os escaparates non poderán desmontarse antes do 7 de xaneiro de 2024, co obxecto de que poidan contemplarse durante as festas de Nadal.

Os comercios participantes están obrigados a manter o escaparate iluminado e nas condicións que permita ao xurado valoralo no seu conxunto así como manter a iluminación, cando menos, ata as 21h, entre os días



18 de decembro de 2023 e 7 de xaneiro de 2024.

#### Terceira.- PRAZO DE PRESENTACIÓN DE SOLICITUDES E DOCUMENTACIÓN

As solicitudes de participación poderán presentarse mediante o modelo do Anexo I, en calquera dos Rexistros de entrada do Concello de Coristanco, acompañado dos seguintes documentos:

1. Copia do NIF do solicitante, no caso de ser persoa física ou representante a que fai referencia a Base Segunda.
2. CIF da entidade, no caso de persoas xurídicas, así coma o NIF do presidente ou representante destas.
3. Copia alta no epígrafe correspondente do IAE e xustificante do último recibo de pago ou declaración de exención (Anexo II).
4. Declaración responsable de non estar incurso en causa que impida ser beneficiario de subvencións públicas e de estar ao corrente das obrigas tributarias e da seguridade social.(Anexo II).

Os impresos (Anexo I e Anexo II) estarán a disposición dos interesados nos Rexistros de Entrada do Concello, onde poderán presentarse as solicitudes desde o día 4 de decembro ata o día 18 de decembro, ámbolos dous incluídos, en horario de luns a venres de 9.30 a 13.30 horas.

Coas solicitudes os interesados acompañarán os documentos e informacións determinados na norma ou convocatoria, salvo que os documentos esixidos xa estivesen en poder de calquera órgano de administración actuante; neste caso o solicitante poderá acollerse ao establecido no art. 53.1. c da Lei 39/2015, de 1 de outubro, do procedemento administrativo común das administracións públicas, sempre que se faga constar a data e o órgano ou dependencia en que foron presentados ou, no seu caso, emitidos, e cando non transcorresen máis de cinco anos desde a finalización do procedemento ao que correspondan.

Nos supostos de imposibilidade material de obter o documento, o órgano competente poderá requirir ao solicitante a súa presentación, ou no seu defecto, a acreditación por outros medios dos requisitos a que se refire o documento, con anterioridade á formulación da proposta de resolución.

A presentación da solicitude de participación no Concurso de Escaparates por parte do interesado levará consigo a autorización ao órgano xestor para solicitar as certificacións que deban emitir a Axencia Estatal de Administración Tributaria, a Tesourería Xeral da Seguridade Social e a consellería competente en materia de economía e facenda da Xunta de Galicia.

O solicitante poderá denegar expresamente o consentimento, para o que deberá presentar nese caso a certificación nos termos previstos regulamentariamente.

#### Cuarta.- ÓRGANO COMPETENTE PARA A INSTRUCIÓN E RESOLUCIÓN

O órgano instrutor do procedemento será a Concelleira delegada de Cultura, Deporte, Educación, Turismo e Servizos Sociais. O Órgano competente para resolver será a Xunta de Goberno Local.

#### Quinta.- CRITERIOS DE VALORACIÓN.

O tema a desenvolver será alegórico ao ambiente propio das Festas de Nadal e valoraranse as candidaturas tendo en conta especialmente os seguintes criterios:

1. Orixinalidade do escaparate. De 0 a 5 puntos
2. Calidade Artística. De 0 a 5 puntos
3. Iluminación e composición. De 0 a 5 puntos
4. Esforzo. De 0 a 5 puntos
5. Eficacia Comercial. De 0 a 5 puntos



Sexta.- XURADO.

As decisións do xurado serán inapelables e adoptaranse por maioría simple. O xurado estará integrado polos seguintes membros:

1. Unha persoa experta en Decoración e Escaparatismo.
2. Dous representante do colectivo de Educación.

Sétima.- DOTACIÓN DOS PREMIOS

Concederanse TRES PREMIOS e distribuiranse do seguinte xeito aos proxectos que obteñan unha maior puntuación segundo o ditame do xurado:

Primeiro Premio: 300 euros

Segundo Premio: 200 euros

Terceiro Premio: 100 euros

Estas cantidades estarán suxeitas ás retencións legais que lles foran aplicables.

Oitava.- PROTECCIÓN DE DATOS

Os datos de carácter persoal recollidos serán tratados de acordo co establecido polo normativa vixente en materia de protección de datos. O Responsable de Tratamento dos datos persoais é: CONCELLO DE CORISTANCO, con dirección Avda. Fisterre, 112, 15147 Coristanco, A Coruña. Contacto: [www.coristanco.gal](http://www.coristanco.gal)

Novena.- ACEPTACIÓN.

A concorrencia nesta convocatoria supón a plena aceptación destas bases.

Décimo.- PUBLICIDADE.

Na publicidade dos premios deberán constar os logotipos do Concello inxeridos ao final destas bases. A comunicación privada que realicen os establecementos en relación con esta iniciativa deberán incluír tamén o referido logo, sempre que sexa comunicación en medios visuais.



Concello  
de Coristanco

Undécimo.- FIN DA VÍA ADMINISTRATIVA

O acto de resolución da subvención esgota a vía administrativa. De acordo co que dispón o art. 123 da Lei 39/2015, de 1 de outubro, do procedemento administrativo común das administracións públicas, poderá interpoñerse recurso potestativo de reposición ante o Alcalde deste Concello, no termo dun mes a contar desde o día seguinte da recepción da notificación, ou ben directamente recurso contencioso administrativo ante o Xulgado do Contencioso- Administrativo de A Coruña.

Duodécima.- NORMATIVA APLICABLE

Para todo o non previsto expresamente nas presentes bases aplicarase:

- Lei 38/2003, de 17 de novembro, Xeral de Subvencións
- Lei 9/2007, de 13 de xuño, de Subvencións de Galicia.



**Anexo I**

Solicitud de participación no Concurso de Escaparates Nadal 2023				
<b>1. DATOS PERSOAIS</b>				
Nome e Apellidos		DNI/CIF		
Domicilio				
Localidade		Provincia		CP
Teléfono fixo		Móbil		Fax
Correo electrónico				
<b>2. DATOS ESTABLECEMENTO COMERCIAL</b>				
Nome Comercial				
Domicilio				
Localidade		Provincia		CP
FINALIDADE: PARTICIPACIÓN NO CONCURSO DE ESCAPARATES DE NADAL 2023				
EXPÓN: Que coñece as Bases do Concurso de Escaparates de Nadal 2023, convocado polo Concello de Coristanco, e cumpre os requisitos establecidos para a participación no mesmo.				
Polo exposto, SOLICITA:  A súa inclusión como participante no Concurso de Escaparates de Nadal 2023 convocado polo Concello de Coristanco.				
Acompaño xunto á solicitude os seguintes documentos:  <input type="checkbox"/> NIF de solicitante <input type="checkbox"/> CIF entidade, no caso das persoas xurídicas, así como o NIF do presidente ou representante destas. <input type="checkbox"/> Declaración responsable de non estar incurso en causa que impida ser beneficiario de subvencións públicas e de estar ó corrente das obrigas tributarias e da seguridade social . Anexo II				

En Coristanco a \_\_\_\_\_ de \_\_\_\_\_ de 2023.



CONCELLO DE  
CORISTANCO

Avda. Finisterre, 112 - SAN ROQUE – TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
www.coristanco.gal  
R. E. L. nº 01150294

exp. 2023/G003/001224

Sinatura do/a interesado/a

A/A: Concellería

### Anexo II

Declara que:

(Marque o que corresponda)

- Está exento/a do pago do IAE
- Non está incurso/a en causa que lle impida ser beneficiario de subvencións públicas.
- Está ao corrente das obrigas tributarias e coa Seguridade Social.

E para que conste ante o órgano competente, asina esta declaración no lugar e data abaixo indicados:

En Coristanco a \_\_\_\_\_ de \_\_\_\_\_ de 2023.

Sinatura do/a interesado/a

**SEGUNDO:** Publicar o contido destas bases no BOP, no taboleiro de anuncios e na web municipais.

**TERCEIRO:** Contra esta resolución que pon fin á vía administrativa cabe a interposición de recurso contencioso-administrativo no prazo de dous meses. Con todo, poderá, con carácter potestativo, presentar recurso de reposición ante o propio órgano que ditou a resolución no prazo dun mes, nese caso o prazo para a presentación do recurso contencioso administrativo empezará a contarse desde a notificación da resolución expresa do recurso. Igualmente advírteselle a posibilidade de interposición de calquera outro recurso que estime pertinente (art. 88 da Lei 39/2015, do 1 de outubro).

**CUARTO.** Dar conta ao pleno na próxima sesión que celebre

*Coristanco, asinado electrónicamente polo alcalde Juan Carlos García Pose, e a secretaria municipal, Elena González López, na/s data/s que figuran nas sinaturas electrónicas.*